



BARAZA LA WAWAKILISHI – ZANZIBAR

ORODHA YA SHUGHULI ZA LEO

BARAZA LA TISA LA WAWAKILISHI

MKUTANO WA SITA

Kikao cha Ishirini na Nne – Tarehe 08 Juni, 2017.

Kikao Kitaanza Saa 3.00 (Tatu) Asubuhi
na Dua itasomwa.

I. MASWALI:

Ofisi ya Makamu wa Pili wa Rais:

145. MHESHIMIWA DKT. MWINYIHAJI MAKAME MWADINI (Jimbo la Dimani) – Atamuuliza Mheshimiwa Waziri wa Nchi, Ofisi ya Makamu wa Pili wa Rais:

Tangu siku za nyuma hadi hivi sasa, barabara za Kwa HajiTumbo Mlandege na Mchangani (mjini) ni za kupita kwa njia moja tu (one-way).

- (a) Je, Wizara haijagundua tatizo liliopo hivi sasa kwa madereva hasa wenyevyombo vya moto (motor-cycles) na baiskeli kuvunja utaratibu wa one-way.
- (b) Je, wahalifu wangapi walikamatwa kwa kipindi cha miezi 6 iliyopita.
- (c) Je, Wizara ni lini itashirikiana na askari wa barabarani kukomesha hali hiyo.

Ofisi ya Rais, Katiba, Sheria, Utumishi wa Umma na Utawala Bora:

162. MHESHIMIWA SULEIMAN SARAHAN SAID (Jimbo la Chake Chake) – Atamuuliza Mheshimiwa Waziri wa Nchi, Ofisi ya Rais, Katiba, Sheria, Utumishi wa Umma na Utawala Bora:

Serikali ya Mapinduzi ya Zanzibar kwa nia safi ya kutaka kuleta maendeleo, imejitahidi kuziba mianya ya uvujaji wa mapato na matumizi holela. Hata hivyo, kuna suala la wafanyakazi au wateule wa Mhe. Rais ambao huteuliwa na hufanya kazi na kulipwa mishahara yao lakini pindi uteuzi unapoisha kwa kutenguliwa, mtu yule huendelea kupokea mishahara ule ule.

- (a) Je, Serikali inalijua hili ni utaratibu au mazoea.
- (b) Kama hivyo ndivyo, hatuoni tunamlipa mtu asiefanya kazi.
- (c) Katika kuteuliwa hakuna mikataba yake ya kumaliza kazi na kumpa kiinua mgongo chake ili kumalizana kwa hilo kuliko kumlipa mishahara kinyume na utaratibu.

Wizara ya Ardhi, Maji, Nishati na Mazingira:

77. MHESHIMIWA JAKU HASHIM AYOUB (Jimbo la Paje) – Atamuuliza Mheshimiwa Waziri wa Ardhi, Maji, Nishati na Mazingira:

Mnamo tarehe 13/10/2015 Mhe. Rais wa Zanzibar wakati akiwa Chwaka akifanya kampeni za Uchaguzi Mkuu, alimnadi mgombea uwakilishi wa jimbo hilo na moja kati ya ahadi zake aliahidi kuwa atahakikisha maji yanapatikana kwa asilimia 100%. Kwa kuwa Michamvi ni sehemu ambayo mgombea aliyenadiwa na Dkt. Shein anatokea, na kwa kuwa tangu dahari, dunia iumbwe maji hayajapatikana.

Je, Serikali kupitia Wizara ipo tayari kutafuta njia ya haraka kutekeleza ahadi ya Mhe. Dkt. Shein aliyoitoea siku ile ya Kampeni ya kuwapatia maji ya uhakika wananchi wa Michamvi.

Wizara ya Kilimo, Maliasili, Mifugo na Uvuvi:

87. MHESHIMIWA JAKU HASHIM AYOUB (Jimbo la Paje) – Atamuuliza Mheshimiwa Waziri wa Kilimo, Maliasili, Mifugo na Uvuvi:

Kumekuwa na malalamiko kwa wakulima wa mpunga Pemba kuhusu uvamizi wa maji ya chumvi kwenye mabonde ya mpunga hali inayoathiri maendeleo ya kilimo hicho kwa wakulima hao.

Je, hatua gani za muda mfupi na muda mrefu ambazo Serikali imepanga kuzichukua ili kudhibiti mabadiliko ya tabia nchi, yanayopelekea maji ya chumvi kuvamia mabonde ya mpunga.

Wizara ya Habari, Utalii, Utamaduni na Michezo:

12. MHESHIMIWA ABDALLA MAULID DIWANI (Jimbo la Jang’ombe) - Atamuuliza Mheshimiwa Waziri wa Habari, Utalii, Utamaduni na Michezo:

Pamoja na dhamira nzuri ya Mhe. Rais, Dkt. Ali Mohamed Shein ya kupenda michezo hapa Zanzibar, kumekuwa na malalamiko ya muda mrefu ya kusimama kwa mashindano mbali mbali ambayo yalikuwa kichocheo cha kuimarika kwa michezo hiyo.

Je, ni lini Chama cha Mpira wa Miguu Zanzibar kitaanzisha mashindano ya F.A kama zilivyo nchi nyengine.

Wizara ya Afya:

78. MHESHIMIWA JAKU HASHIM AYOUB (Jimbo la Paje) - Atamuuliza Mheshimiwa Waziri wa Afya:

Kwa muda mrefu sasa vituo vya afya vya Bwejuu, Kitogani, Jambiani na maeneo mengine vimekuwa vikitumia gharama kubwa kununua umeme kwa ajili ya kuendesha shughuli za kuwahudumia wananchi. Mara nyingi fedha hizo wanazipata kupitia michango midogo wanayoipata kutokana na baadhi ya huduma wanazozitoa au kupitia fedha za mifuko za Wawakilishi wao.

Je, ni lini Wizara ya Afya itapeleka fedha za umeme katika vituo vya afya vya Bwejuu, Kitogani na Jambiani na maeneo mengine ili kuvipunguzia mzigo wa kuomba fedha hizo.

Wizara ya Ujenzi, Mawasiliano na Usafirishaji:

181. MHESHIMIWA JAKU HASHIM AYOUB (Jimbo la Paje) - Atamuuliza Mheshimiwa Waziri wa Ujenzi, Mawasiliano na Usafirishaji:

Kumekuwa na changamoto kubwa ya barabara zetu kuchimbika na kufanya mashimo katika vipindi vya mvua na mara kadhaa maeneo yanayokumbwa na mashimo yanakuwa hayo kwa hayo. Licha ya juhudi za kuyaziba lakini hali hiyo hujitokeza tena kila kipindi cha mvua.

Je, tatizo hili la kuchimbika barabara zetu kila kipindi cha mvua linasababishwa na kiwango kidogo cha ujenzi au nyenzo duni.

120. MHESHIMIWA OMAR SEIF ABEID (Jimbo la Konde) - Atamuuliza Mheshimiwa Waziri wa Ujenzi, Mawasiliano na Usafirishaji:

Kwa kuwa kwenye hotuba ya Bajeti ya Wizara ya Ardhi ya mwaka 2016/2017 Wizara ilielezea Baraza kwamba, ukarabati wa Beit El Jaib umeanza kwa kukamilisha utayarishwaji wa Ramani (Existing drawing) pamoja na "proposed drawing" kwa kushirikiana na Mamlaka ya Uhifadhi wa Mji Mkongwe na Serikali ya Oman kupitia Wizara ya Urithi na Utamaduni ya Oman ilituma barua ya kuomba kulifanyia matengenezo makubwa jengo hilo.

(a) Je, kazi ya matengenezo ya jengo hilo imeshaanza, na kama haijaanza ni lini inategemewa kuanza.

(b) Je, Serikali ya SMZ imetumia kiasi gani cha fedha kwa ajili ya kazi za awali kwa kukamilisha (existing drawing) pamoja na proposed drawing.

(c) Je, gharama halisi ya kazi hiyo ni kiasi gani na nani atakaefadhili fedha kwa ajili ya ujenzi wa jengo hilo la kihistoria.

II. HOJA ZA SERIKALI:

Waziri wa Fedha na Mipango:

Kwamba Baraza hili lijadili Makusudio na Shabaha zilizomo katika Makadirio ya Mapato na Matumizi ya Wizara ya Fedha na Mipango kwa Mwaka 2017/2018.

Zanzibar,
08 Juni, 2017.

(Raya Issa Msellem)
KATIBU WA BARAZA.